

CON PA ENRIKECE E RELACION ENTRE TATA Y YIU HOMBER?

Algun tips pa yuda bo ta un bon modelo of bon ehempel pa bo yiu homber:

- Yuda bo yiu tuma responsabilidad pa su comportacion. No stimula un actitud cerca dje cu “Ta cos di mucha homber e ta haci”, ni un comportacion cu ta encurash’e pa e ta egoista, impulsivo y dominante.
- Siñ’e cu hende homber tambe ta pasa dor di diferente emocion, manera sinti miedo y tristesa. Mustr’e cu ta bon pa expresa su emocionnan.
- Ta importante p’abo, como tata, expresa bo rabia na forma no agresivo, ni menasante of cu por lastima otro hende. Rabia ta un emocion cu mester expresa cu cuidao y cu consideracion. Corda cu bo yiu lo imita e manera cu bo ta expresa bo mes.
- Encurash’e pa respeta hende muhe como igual y no como obheto pa domina, controla of manipula. Si bo ripara cu bo yiu ta papia malo di hende muhe, actua di biaha y corigi’e.
- Mustr’e con pa negocia y siñ’e cu compromiso ta parti di relacion humano. Y esey no kier men cu bo ta swak of bo a “perde bataya”.
- Siñ’e cu ta ok pa un hende homber puntra pa yudansa, sosten y cariño. Lag’e sa dor di bo accion y palabra cuanto bo ta balora bo famia y amigonan.
- Papia cu n’e tocante e violencia cu e ta wak rond di dje y den mundo. Yud’e compronde dicon hende ta actua violento. Papia tocante e miho maneranan pa reacciona riba violencia cu e ta wak na television, wega di video y pelicula.
- Papia cu n’e tocante sexualidad: con pa mantene su mes sano y e importancia di actua na un forma responsabel.

E tempo y esfuerso cu bo dedica pa bo ta un bon modelo pa bo yiu homber tin su fruta dia e bira un adulto. E lo sa con pa trata su emocionnan na un manera sano. Su pensamiento y actitud positivo lo enrikese su relacion cu hende muhe. E lo sa con pa defende su mes na un manera husto y firme. Y mayan cu e bira tata e lo sa con pa pasa su sabiduria y experencia pa su yiunan

Pa mas informacion por acerca Fundacion Pa Nos Muchanan, Cumana 2

tel: 583-4247/ 588-0856, fax: 583-5658, e-mail: info@fpnm.aw

